

左
傳
通
釋

左傳通釋目錄

卷一

釋國

卷二

釋世系

卷三

釋世族

卷四

釋雜人

婦人附以上四卷全

卷五

邑地

卷六

山水關隘

卷七

天文災異

卷八

卜筮

卷九

官制兵制

卷十

書數古音 以上六卷闕

卷十一 全

補長算

卷十二 闕

附錄 凡例 典禮

左傳通釋卷一

高郵李惇著

釋國第一

周黃帝之苗裔姬姓后稷之後也后稷封于邰其子不
窋失官窋于西戎至公劉而遷國于豳大王爲狄所
逼去邠遷岐文王遷豐武王遷鎬遂有天下至幽王
爲犬戎所殺平王遷都王城今河南洛陽縣西偏地
也至敬王又遷成周今洛陽縣東偏地也西京爲今
陝西省東京春秋止河南府一府之地

魯姬姓侯爵周公之後成王封其子伯禽于魯都曲阜

今山東曲阜縣是也其地自兗州府東南至江蘇邳泗之境

晉姬姓侯爵唐叔虞之後成王封叔虞于唐都晉陽今山西太原縣是也燮父改國曰晉燮父孫成侯徙都曲沃今聞喜縣是也穆侯徙都絳孝侯改絳曰翼今翼城縣是也武公滅晉仍以故封曲沃爲都獻公城絳自曲沃徙都之景公遷新田新田在絳之西遷都謂新田爲絳因以舊都爲故絳其地據山西全省西至陝西同州府東至北直廣平大名皆是

衛姬姓侯爵康叔之後周公既誅祿父以其地封康叔

都朝歌今河南淇縣地也狄滅衛文公居楚邱今滑縣地也成公徙帝邱今直隸開州地也其地自開州以西至河南衛輝懷慶皆是

鄭姬姓伯爵宣王母弟友之後宣王封友于鄭都咸林今陝西華州地也幽王無道友寄帑于虢檜滅虢檜而國焉都新鄭今河南新鄭縣是也其地幾跨開封全府

齊姜姓侯爵太公之後成王封太公于齊都營邱今山東臨淄縣是也其地自山東青州府西至濟南東昌北至北直河間府景滄諸州界

宋子姓公爵殷微子之後武庚既滅更封微子于宋都
商邱今河南商邱縣是也其地自河南歸德府東至
江蘇徐州府皆是

楚芊姓文王師鬻熊之後成王封鬻熊曾孫熊繹于楚
以子男之田居丹陽今湖北枝江縣是也熊通始稱
武王遂都郢今江陵縣是也昭王徙都于郢今宜城
縣地尋復都郢其地自河南裕州信陽以南至于兩
廣雲貴皆其服屬之地也

秦嬴姓伯益之後非子爲周孝王牧馬汧渭之間馬大
蕃息因分土爲附庸封之于秦今陝西清水縣地也

平王封襄公爲諸侯賜之岐西之地後漸強大至德公居雍今鳳翔府治也其地自西安以西至秦州皆是

吳姬姓泰伯仲雍之後泰伯居荊蠻仲雍嗣之武王克殷封其曾孫周章于吳爲吳子都吳今江蘇吳縣是也其地自淮泗以南至浙江嘉湖二府皆是

蔡姬姓侯爵叔度之後武王封叔度于蔡作亂見誅成王復封其子蔡仲于蔡都上蔡今河南上蔡縣是至平侯徙新蔡卽今新蔡縣也昭侯徙九江下蔡今江南壽州地也

左傳正義卷一
陳媯姓侯爵虞舜之後當周之興虞闕父爲周陶正武
王封其子滿于陳是爲胡公都宛邱今河南陳州府
治是也

曹姬姓伯爵叔振鐸之後武王封之于曹都陶邱今山
東定陶縣也

杞姒姓夏禹之後武王克殷求禹之後得東樓公封之
于杞都雍邱今河南杞縣是也春秋之先杞已遷東
國其故地入于宋鄭僖十四年成公遷緣陵今山東
諸城縣地也襄二十九年文公又遷于淳于淳于故
國桓六年亾地入于杞今安邱縣地也

滕姬姓侯爵叔繡之後武王封之于滕今山東滕縣是也

薛任姓奚仲之後夏時故國武王復以其胄爲薛侯其地在今滕縣南四十里

許姜姓堯四岳之後武王封其苗裔文叔于許今河南許州地也成十五年靈公遷于葉今葉縣是也昭九年悼公又遷于夷夷一名城父今江南亳州地也昭十五年楚平王復遷許于葉十八年又遷于析析一名白羽今河南內鄉縣是也定四年許男斯遷容城容城應劭以爲華容去鄭太遠不當爲鄭所滅或以

爲在葉縣西近之

邾曹姓顓頊之後有六終產六子其第五子曰安邾卽安之後也武王封其苗裔邾俠爲附庸居邾今山東鄒縣是也邾儀父附齊桓行霸進爵稱子文公徙于繹亦今鄒縣地在繹山下也

莒嬴姓少昊之後周武王封茲與于莒初都計後都莒今山東莒州是也世本云自紀公以下爲己姓

越妘姓夏少康之後封于會稽自號於越不通中國至句踐父允常方大至句踐滅吳稱霸中國初居會稽今浙江紹興府地滅吳後又徙琅邪琅邪爲山東沂

州地齊魯之南楚之東皆其地矣

虞姬姓公爵仲雍之後武王既封周章于吳又別封其弟虞仲于虞今山西平陸縣是也

虢姬姓公爵虢仲之後都上陽今河南陝州是也別都在河北曰下陽在虞之南亦今平陸縣地也按虢有三虢叔之後爲鄭所滅曰東虢陝西鳳翔府有小虢此名北虢

紀姜姓侯爵註在東莞劇縣今山東壽光縣地也

隨姬姓侯爵註在義陽隨縣魏置隨州今湖北隨州是也

小邾本名邾曹姓邾之別支註附庸國也東海昌慮縣有邾城今山東滕縣東南地也僖七年改爲小邾南燕姑姓伯爵黃帝之後註東郡燕縣今河南汲縣地也按南燕傳但稱燕召公後之燕則稱北燕

北燕姬姓召公之後註今薊縣顧景范引元和志云本古薊國武王封堯後于此燕故都在易州城東南後并薊地遂遷于薊今京師順天府地也

邢姬姓侯爵周公之後註在廣平襄國縣今直隸邢臺縣是也僖元年遷于夷儀今邢臺縣西地

徐註在下邳僮縣今江南泗州地也

鄧曼姓釋例云義陽鄧縣今河南鄧州是也鄧鄧南鄧
申姜姓侯爵申伯之後都謝註云今南陽宛縣今河南
南陽縣地也

息姬姓註汝南新息縣今河南息縣是也

魏姬姓註河東河北縣今山西芮城縣是也芮伯嘗居
于此故縣以此得名

梁嬴姓註馮掖夏陽縣今陝西韓城縣是卽少梁之地
也

滑註滑國都費河南緱氏縣今河南偃師縣是也

萊姬姓伯爵註東萊黃縣今山東黃縣也

巴姬姓註在巴郡江州縣隋改江州爲巴縣今四川重慶府治也其地自夔州以東敘州以北皆是

鄖註江夏雲杜縣東南有鄖城今湖北德安府治是也
⑤宣四見註國名景范云卽鄖也

羅註熊姓國在宜城縣西山中後徙南郡枝江縣宜城今襄陽府屬縣枝江今荊州府屬縣也

夔註楚同姓國今建平秭歸縣秭歸今湖北歸州也其地實跨四川夔州府府以此得名也

庸註今上庸縣今湖北竹山縣地也

宿註小國東平無鹽縣也今山東東平州地

共註汲郡共縣今河南輝縣地也

夷註在城陽莊武縣今山東卽墨縣地疏世本夷邳姓此與夷詭諸之夷別彼夷是采邑地名也

向姜姓註譙國龍亢縣東南有向城按如註則在江南懷遠縣西去莒太遠顧亭林謂山東莒州南七十三里有故向城

極註附庸小國其地未詳

郕姬姓伯爵郕叔武之後註東平剛父縣西南有郕鄉今山東寧陽縣西地

戴註陳畱外黃縣東南有戴城疏漢志梁國甯縣故戴

國古者苗戴音相近章帝改曰考城今河南歸德府屬縣也

芮姬姓伯爵芮伯之後註在馮掖臨晉縣今陝西同州府治是也

州桓六見卽淳于姜姓註淳于州國所都城陽淳于縣也今山東安邱縣東北有故城

州桓十一見註在南郡華容縣東南今湖北監利縣地也

絞姓爵地皆未詳顧景范以爲在鄖陽府治西北

穀註在南鄉筑陽縣北按晉志有順陽郡無南鄉郡蓋

太康時改名也今湖北穀城縣是

荀姬姓水經註古水出臨汾又西南經荀城在絳州西十五里今山西臨晉縣東北有郇城郇卽荀也

賈姬姓後漢志註引博物記河東臨汾縣有賈鄉賈伯邑臨汾今山西平陽府治也

貳未詳顧景范云在隨州應山縣境

軫未詳景范云在德安府應城縣西

賴註在義陽隨縣今湖北隨州東北地昭四年楚滅賴遷賴于鄢卽襄陽宜城縣也厲註義陽隨縣北有厲鄉按厲賴音近公羊經作厲蓋卽賴也

黃註羸姓今弋陽縣今河南光州地按弋陽漢屬汝南郡魏分汝南置弋陽郡故杜不稱郡名抑或後人刪去弋陽二重字也

江註在汝南安陽縣今河南正陽縣東南地

道註在汝南安陽縣南今河南息縣西南地

柏註汝南西平縣西有柏亭西平今河南汝寧府屬縣
弦註在弋陽軟縣東南今河南光州西南地也

蓼桓十一見註蓼國今義陽棘陽東南湖陽城今河南唐縣南有廢湖陽城卽東漢湖陽公主封邑也與文五年之蓼別

蓼文五年見偃姓皋陶之後註蓼國今安豐蓼縣今江南霍邱縣地也

六偃姓亦皋陶之後註六國今廬江六縣今江南舒城縣地也

牟附庸國註牟國今泰山牟縣今山東萊蕪縣東有故城

葛嬴姓附庸國註葛國在梁國寧陵縣東北寧陵今河南歸德府屬縣

於餘邱疏云釋例闕蓋近魯小國

譚註譚國在濟南平陵縣西南今山東歷城縣東南地

遂蓋虞舜之後註遂國在濟北蛇邱縣東北今山東寧陽縣北地

權註權國名南郡當陽縣東南有權城當陽今湖北安陸府屬縣也楚武王克權遷權于那處註云南郡編縣東南有那口城今荊門州東南故城是也

蕭註附庸國蓋宋桓嘉其功而請封之今沛國蕭縣今江南蕭縣是也宣十二年爲楚所滅蕭本宋邑滅後地復歸宋

郭莊二十四年經書郭公

郭註紀附庸國東平無鹽縣東北有郭城今山東東平

州地

陽釋例竝闕景范云今沂水縣西南有陽都城

耿姬姓註平陽皮氏縣東南有耿鄉今山西河津縣也
霍姬姓蓋霍叔之後註平陽永安縣東北有霍大山永安
今山西霍州也

冀註平陽皮氏縣東北有冀亭皮氏今河津也

舒僖三見註舒國今廬江舒縣今江南舒城縣是

舒蓼偃姓註卽羣舒宣八年爲楚所滅註云舒蓼二國
名疏云蓋轉寫誤當爲一國名蓋楚所滅之國有舒
有蓼恐後人誤認故別之也

舒庸偃姓註東夷國

舒鳩偃姓註楚屬國以上三國所謂羣舒也文十二年
羣舒叛楚註云羣舒偃姓舒庸舒鳩之屬今廬江南
有舒城舒城西南有龍舒杜意謂此三國皆在舒城
一望也襄二十五年舒鳩已爲楚所滅復見定二年
傳或楚復封之耳

宗註羣舒之屬

巢註吳楚間小國廬江六縣東有居巢城今江南巢縣
是也

鄆姒姓子爵夏禹之後註鄆國今琅邪繪縣今山東嶧

縣地也

英氏未詳景范云在今江南六安州西

項註項國今汝陰項縣今河南項城縣是也

郃註姬姓國在濟陰城武縣東南城武今山東曹州府
縣也

任風姓註今任城縣也今山東沛寧州地

須句風姓註在東平須昌縣西北今山東東平州地僖
二十二年邾取須句魯伐邾而復封之文七年復取
之

顓臾風姓附庸國註在泰山南武陽縣東北今山東費

縣西北地也

頓註今汝南南頓縣今河南商水縣是也按汝南諸本皆譌汝陰

都註姬姓子爵都本在商密秦楚界上小國其後遷于南郡都縣商密杜謂在南鄉丹水縣今河南內鄉縣是也都縣今湖北宜城縣是也後入楚定六年楚遜吳北去徙都都仍名郢謂之郢郢傳所謂遷郢于都也是也因名江陵舊都爲紀郢

介註東夷國也在城陽黔隄縣今山東高密縣地也沈註汝南平輿縣有沈亭今河南汝陽東北地

麋未詳景范云今湖北鄖陽府治古麋國也

崇註嬴姓子爵秦之與國今陝西鄠縣有鄠城殷崇侯國也未知此崇亦在其地否

郟景范云今山東郟城縣有故城與江南邳州接界

唐註姬姓侯爵屬楚之小國義陽安昌縣東南有上唐鄉今湖北隨州西北地也

黎註黎侯國上黨壺關縣有黎亭壺關今山西黎城縣是也

鄆註附庸國也景范云或曰在山東郟城縣東北

偃陽註妘姓國今彭城傅陽縣也今山東嶧縣南有故

城與江南沛縣接界

邾註小國也任城亢父縣有邾亭今山東沛寧州東南有故城

鑄註鑄國濟北蛇邱縣所治今山東寧陽縣西北地

蓋帝堯之後記封帝堯之後于祝註祝或爲鑄

胡註歸姓之國汝陰縣西北有胡城今江南阜陽縣地也

不羹註襄城縣東南有不羹亭定陵縣西北有不羹亭襄城今河南許州屬縣定陵今舞陽縣地也依傳文及註俱是二國然不應二國同名卽有二地亦或前

後遷徙且二地亦不相遠按劉焯據國語連陳蔡稱
三國則左傳四國當是積畫之譌

房註汝南有吳防縣卽房國今河南遂平縣地也楚以
封吳夫槩王謂之吳防

鄆妘姓註鄆國今琅邪開陽縣今山東蘭山縣地也
鍾吾註小國景范云今宿遷縣地也

桐註小國廬江舒縣西南有桐鄉今江南桐城縣地也
按此當是淮漢間小國說見羣經識小楚豫章下

畿內國

祭註祭國伯爵路史管城東北有祭城今河南鄭州地

也

凡註凡國伯爵也汲郡共縣東南有凡城今河南輝縣地也按祭伯凡伯皆爲周卿士然皆周公之後與邢竝稱當非畿內國也疏以爲本封絕滅食采于畿內耳

周註周采地扶風雍縣東北有周城雍縣今陝西岐山縣也東遷食邑在洛陽東郊

召註召采地伯爵也釋例扶風雍縣東南有召亭亦岐山縣地也東遷食邑景范云今山西垣曲東有召亭溫註蘇子邑一名蘇今河南溫縣是僖十年爲狄所滅

自後食采河南

原註采邑在今濟源縣西北僖二十五年賜晉後原伯食采河南

毛註采邑疏原毛蓋文王之後世爲王臣仍爲伯爵或本封滅絕食采畿內也

單註單采地伯爵也

樊註樊皮采地卽陽樊也亦在河陽蓋仲山甫采邑後亦賜晉

甘襄王弟子帶之封邑註河南縣西南有甘水今河南洛陽縣西地也

劉王季子之封邑景范云今河南偃師縣南有劉聚

成成肅公之封邑

尹未詳

鞏今河南鞏縣是

夷夷詭諸之邑註夷采地名

四夷國

淮夷在徐邳諸州境

根牟宣九見註東夷國也琅邪陽都縣東有牟鄉今山東沂水縣南地

東夷從越之夷哀十九年楚伐東夷三夷男女及楚師

盟于敖

戎隱二見註陳畱濟陽縣東南有戎城景范云曹縣東南有楚邱城據括地志云卽戎州己氏邑也

北戎隱九見僖十又見註云北戎山戎山戎莊三十見註山戎北狄按北狄當是北戎之譌景范云今永平府境無終襄四見註山戎國名景范云今玉田縣西有無終城

大戎莊二十八見姬姓註唐叔子孫別在戎狄者

小戎莊二十八見註允姓之戎陸渾之戎僖二十二見註允姓之戎居陸渾在秦晉西北二國誘而徙之伊

川遂從戎號至今爲陸渾縣陸渾今爲河南嵩縣陰
戎昭九見卽陸渾之戎姜戎僖三十三見註姜姓之
戎居晉南鄙戎子駒支之先也按襄十四年註云四
嶽之後皆姜姓又別爲允姓則此姜戎與上小戎陸
渾之戎同一族類

驪戎莊二十八見姬姓男爵註在京兆新豐縣今陝西
臨潼縣地也

犬戎閔二見註犬戎西戎別在中國者景范云在今鳳
翔府北境

揚拒泉皋伊雒之戎僖十一見註揚拒泉皋皆戎邑及

諸雜戎居伊水雒水之間者今伊闕北有泉亭釋例云河南洛陽縣西南有戎城蠻氏成六見註戎別種也河南新城縣東南有蠻城景范云今河南汝州西南地也戎蠻昭十六見卽蠻氏註同哀四年楚圍蠻氏盡俘以歸

茅戎徐吾氏竝成元見註茅戎戎別種也徐吾氏茅戎之別也景范云在今陝州境

盧戎桓十三見註盧戎南蠻景范云今南漳縣東五十里廢中盧城襄陽耆舊傳曰卽盧戎也

戎文十六見註戎山夷也百濮註百濮夷也昭元年註

曰今建寧郡有濮夷建寧今雲南曲靖府境也

鄭瞞文十一見註狄國名防風之後漆姓卽長狄也

赤狄莊三十二年見隗姓伐邢滅衛滅溫伐晉伐齊伐
鄭攻王侵宋皆此狄也至宣三年侵齊始書赤狄潞
氏宣十五見潞子嬰兒國也註潞赤狄之別種子爵
也甲氏畱吁鐸辰註皆赤狄別種潞氏今山西潞安
府也畱吁鐸辰俱在潞安府境甲氏則在今直隸雞
澤縣境東山皋落氏閔二見註赤狄別種也皋落其
氏族景范云今垣曲縣西北有皋落鎮唐咎如僖二
十三見註赤狄之別種也隗姓景范云或曰在太原

府境

白翟僖五年晉文公奔翟疏以爲白狄註狄別種也故
西河郡有白部胡在今延安府及汾州府西境鮮虞
中山昭十二見定哀間改稱中山註白狄別種在中
山新市縣今新樂縣西南有新市故城今直隸真定
府西北地也肥昭十二爲晉所滅註白狄也鉅鹿下
曲陽縣西有肥累城下曲陽今直隸晉州地也鼓昭
十五見註白狄之別鉅鹿下曲陽縣有鼓聚

故國

東虢見隱元姬姓虢叔之後註虢國今滎陽縣今河南

汜水縣是地入于鄭

管姬姓管叔之後註管國在滎陽京縣東北隋置管城縣今爲河南鄭州也

聃聃叔之後

雍文王之後註雍國在河內山陽縣西今河南脩武縣地

畢畢公高之後註畢國在長安縣西北今陝西咸陽縣有畢原

酆註酆國在始平鄠縣東酆縣今陝西西安府屬也

郇郇瑕氏成六見今山西解縣地

邗註河內野王縣西北有邗城野王今河南河內縣也
應註應國在襄城父城縣西今河南寶豐魯山二縣界
韓註韓國在河東郡界

蔣註在弋陽期思縣今河南固始縣地

茅註高平昌邑縣西有茅鄉今山東金鄉縣地

胙註東郡燕縣西南有胙亭今河南汲縣地以上三國
皆周公之後自管以下竝僖二十四年見

焦註在陝縣今河南陝州地

揚註揚屬平陽郡今山西洪洞縣是

鄆在今河南密縣東北以上三國竝襄二十九年見

沈

姒

蓐

黃以上四國竝昭元年見皆臺駘之後封于汾川

以上故國皆周之封國滅于春秋前者也

有莘見僖二十八註有莘故國名今山東曹縣北地
檀見成十一與蘇忿生俱封于河內

有窮註國名夏時后羿之國也

鉏註羿本國名羿後遷于窮石

寒註寒國北海平壽縣東有寒亭今山東濰縣地

有鬲註國名今平原鬲縣今山東德平縣地

斟灌註夏同姓諸侯樂安壽光縣東南有灌亭壽光今青州府屬縣也

斟尋註夏同姓諸侯北海平壽縣東南有斟亭按此則與寒國密邇矣

過註國名東萊掖縣北有過鄉掖縣今萊州府治也
戈註國名在宋鄭之間疏云卽哀十二年傳岳戈錫之
戈以上八國竝見襄四年傳

豕韋解見後註豕韋國名東郡白馬縣東南有韋城今河南滑縣地也

陶襄二十四見註唐堯所治國太原晉陽縣也

唐杜襄二十四見註二國名殷末豕韋國于唐周成王

滅唐遷之于杜爲杜伯杜今京兆杜縣今陝西長安
縣東南地

邶鄘註殷畿內國

幽註周之舊國在新平漆縣東北今陝西邠州地以上
三國並見襄二十九年傳

觀註觀國今頓邱衛縣今山東觀城縣是

扈註在始平鄠縣鄠縣今屬西安府

妣註商諸侯

邳註今下邳縣今江南邳州是

奄註嬴姓蓋卽魯地以上五國竝見昭元年傳

仍註國名夏后緡母家

有緡註國名

黎註東夷國名以上三國竝見昭四年傳

遂見昭八註舜後蓋殷之興存舜之後而封遂虞遂是也

駘註在始平武功縣所治釐城卽駘也

岐註在扶風美陽縣西北夏時所受之國也

蒲姑註樂安博昌縣北有蒲姑城卽齊所因也一名薄

姑

肅慎註北夷在元菟北三千餘里

毫疏云釋例闕蓋與燕相近以上五國竝見昭九年傳
逢見昭十註居齊地蓋商時國

密須註姑姓國也在安定陰密縣今甘肅靈臺縣地
闕鞏以上二國竝見昭十五年傳

甲父見昭十六註古國名高平昌邑縣東南有甲父亭
今山東金鄉縣地

麇註古國也

豕韋註夏時國彭姓夏孔甲以劉累代豕韋之後累尋

遷魯縣豕韋復國至商而滅累之子孫復承其國爲豕韋氏殷末復遷于唐以上二國竝見昭二十九年傳

封父見定四註古諸侯也

有虞見哀元註舜後諸侯也梁國有虞縣今河南虞城縣是也

鬻夷見昭二十九虞舜封豢龍氏于鬻川註鬻水上夷皆董姓

昆吾見昭十二居許地蓋夏時國也

亡國

魯滅項

僖十七

根牟

宣九

鄆

成六

邾

襄十三

晉滅驪戎

莊二十八

耿

霍

魏

三國並閔元

號

虞

二國並僖五

赤狄

宣十五

偃陽

襄十肥

昭十二

陸渾

戎

昭十七

鼓

昭二十一

荀

賈

冀

韓

焦

揚

沈

姒

蓐

黃

以上十國未詳何年爲晉所滅

衛滅邢

僖二十五

鄭滅許

定六

齊滅紀

莊四

譚

莊十

遂

莊十一

鄆

莊三十

陽

閔二

萊

襄

六

宋滅宿

莊十

曹

哀八

楚滅申

莊六息

莊十四

鄧

莊十六

弭

僖五

黃

僖二十六

江

文四

六

蓼

二國並文五

庸

文十六

蓼

宣八

蕭

宣十二

舒庸

成十七

舒鳩

襄二十五

四戎蠻

昭十六

唐

定五

頓

定十四

胡

定十五

七權

道

柏

宗

巢

都

不羹

房

以上八國未詳何年為楚所滅

秦滅梁

僖十九

芮

史僖二十

滑

僖三十三

吳滅徐

昭三十

蔡滅沈

定四

邾滅須句

僖二十二

邾

昭十八

莒滅鄆

襄六

越滅吳

哀二十二

州自亡

桓五地入于杞

郭自亡

莊二十四

狄滅溫

僖十

左傳通釋卷二

高郵李惇著

釋世系第二

周世次

據史后稷十六世至武王有天下武王傳十二世至平王

平王宜曰

幽王子四十九年入春秋隱三年崩

桓王林

平王孫太子洩父子桓十五年崩

莊王佗

桓王子

僖王

胡齊

莊王子莊十六年崩

惠王闢

莊王子僖八年崩

襄

王鄭

惠王子文八年崩

頃王壬臣

襄王子文十四年崩

匡王班

頃王子宣二年崩

定王瑜

匡王弟成五年崩

簡

王夷

定王子襄元年崩

靈王泄心

簡王子襄二十八年

崩

景王貴

靈王子昭二十二年崩

悼王猛

景王子立十

月崩

敬王匄

悼王弟哀十九年崩敬王三十九年獲麟

之歲也

元王仁

敬王子九年終春秋傳以下傳十一世

二百二十六年而秦滅之

子殯

莊王子莊十九年蘇公及衛燕立之二十一年

號鄭勤王殺之子朝

景王子昭二十三年尹氏立之

時稱西王兵敗奔楚定五年殺

魯世次

據史伯禽至隱公十三君兄弟相及者五

人則隱公伯禽七世孫也

隱公息姑

惠公子平王四十九年立立十一年被弑

桓

公軌

隱公弟立十八年為齊所戕

莊公同

桓公子立三

十二年

子般

莊公太子公薨立為慶父所弑

閔公啓方

莊公庶子立二年被弑

僖公申

莊公庶子立三十三年

文公興

僖公子立十八年

子惡

公羊作子赤文公太子

為襄仲所弑

宣公倭

文公庶子立十八年

成公黑肱

宣

公子立十八年

襄公午

成公子立三十一年

子野

襄公

太子立尋卒

昭公稠

襄公庶子立二十五年出奔又七

年薨于乾侯

定公宋

昭公弟立十五年

哀公蔣

定公子

經終于十四年傳終于二十七年遜于邾遂適越

悼公

哀公子哀二十七年見自悼公以下八世二百一十七年而楚滅之

晉世次

據史唐叔傳五世至靖侯宜曰靖侯子僖

侯司徒僖侯孫穆侯費生穆侯子文侯仇文侯

子昭侯伯爲潘父所弑昭侯子孝侯平爲曲沃

莊伯所弑以上俱見桓二年

鄂侯郤

又稱翼侯孝侯第二年入春秋隱五年奔隨哀

侯光

鄂侯子桓三年被弑

小子侯

哀侯子桓七年被弑

晉侯緡

哀侯弟莊十六年曲沃武公滅之

武公稱

穆侯

曾孫穆侯次子封曲沃是爲桓叔桓叔子莊伯莊伯子

武公莊十六年篡晉自立次年卒獻公侂諸武公子僖

九年卒奚齊獻公少子立一月被弑卓子奚齊弟立一

月被弑惠公夷吾獻公子僖十年立二十三年卒懷公

圉惠公子立六月秦納文公被殺文公重耳惠公兄僖

二十四年立三十二年卒襄公驩文公子文六年卒靈

公夷皋襄公子宣二年被弑成公黑臀文公子宣九年

卒景公獯成公子成十年卒厲公州蒲景公子成十八

年被弑悼公周襄公會孫襄公少子捷仕于周捷生惠

伯譚譚生悼公成十八年立襄十五年卒平公彪悼公

于昭十年卒昭公夷平公子昭十六年卒頃公去疾昭

公子昭三十年卒

定公午

頃公子哀二十年卒定公三

十一年爲獲麟之歲其子出公八年終春秋自出公以

下五世八十二年而三家滅晉

衛世次

據史康叔傳十一世至桓公

桓公完

莊公子十三年入春秋隱四年州吁弑之州吁

莊公庶子隱四年篡立秋衛討殺之

宣公晉

桓公弟桓

十二年卒

惠公朔

宣公子桓十六年奔齊莊六年復入

二十五年卒

公子黔牟

桓公子桓十六年立莊六年奔

周懿公赤

惠公子閔二年爲狄所滅

戴公申

宣公孫昭

伯子閔二年立尋卒

文公燬

戴公弟僖二十五年卒

成

公鄭

文公子僖二十八年出居襄牛其年復國復爲晉

侯所執歸于京師三十年復國宣九年卒

夷叔武

成公

弟僖二十八年攝立成公復國被殺

公子瑕

字子適文

公子僖二十八年立三十年成公殺之

穆公速

成公子

成二年卒

定公臧

穆公子成十四年卒

獻公衎

定公子

襄十四年出奔齊二十六年復入二十九年卒

殤公剽

穆公孫子叔黑背子襄十四年立二十六年被弑

襄公

惡獻公子昭七年卒

靈公元

襄公子哀二年卒

出公輒

莊公子哀十五年奔魯十八年復入二十五年出奔宋

二十六年越納之不克遂卒于越

莊公蒯聵

靈公太子

哀十五年立十七年被弑

公孫般師

襄公孫哀十七年

立尋爲齊所廢

衛君起

靈公子哀十七立十八年奔衛

悼公黜

靈公子哀二十六年立悼公二年終春秋自悼

公以下十一世二百五十五年而秦滅之

鄭世次

自宣王封母弟友傳二世至莊公

莊公寤生

武公子二十二年入春秋桓十一年卒

昭公

忽莊公子桓十一年立尋奔衛十五年復立十七年被

弑厲公突

昭公弟桓十一年立十五年奔蔡莊十四年

復立二十一年卒

子亶

莊公子桓十七年高渠彌立之

十八年爲齊所殺

鄭子儀

莊公子桓十八年立莊十四

年被弑 文公捷 厲公子僖三十二年卒 廖公蘭 文公子

宣三年卒 靈公夷 穆公子宣四年被弑 襄公堅 靈公弟

成四年卒 悼公費 襄公子成六年卒 成公踰 悼公弟襄

二年卒 僖公髡頑 成公子襄七年被弑 簡公嘉 僖公子

昭十二年卒 定公寧 簡公子昭二十八年卒 獻公蠆 定

公子定九年卒 聲公勝 獻公子聲公二十年為獲麟之

歲三十三年終春秋傳又四年卒自聲公以下五世八

十七年而韓滅之

齊世次 據史自太公傳十二世至僖公

僖公祿父 莊公子九年入春秋桓十四年卒 襄公諸兒

僖公子莊八年被弑 公孫無知 莊公孫莊八年篡立九

年被殺 桓公小白 僖公庶子 僖十七年卒 公子無虧 卽

武孟桓公子 僖十八年被殺 孝公昭 桓公子 僖二十七

年卒 昭公潘 桓公子文十四年卒 舍 昭公子文十四年

立尋弑 懿公商人 桓公子文十八年被弑 惠公元 桓公

子宣十年卒 頃公無野 惠公子成九年卒 靈公環 頃公

子襄十九年卒 莊公光 靈公子襄二十五年被弑 景公

杵臼 莊公弟哀五年卒 安孺子荼 景公子哀六年被弑

悼公陽生 景公子哀十年被弑 簡公壬 悼公子哀十四

年被弑 平公騫 簡公弟立十三年終春秋傳又十二年

卒後二世七十年而田氏奪之

宋世次

據史自微子傳十一世至武公武公見隱

元年武公子宣公見隱三年

穆公和

武公子宣公第七年入春秋隱三年卒

殤公與

夷

宣公子桓二年被弑

莊公馮

穆公子莊二年年卒

閔公

捷

莊公子莊十二年被弑

子游

疑亦莊公子莊十二年

宋萬立之尋被殺

桓公御說

莊公子僖九年卒

襄公茲

父

桓公子僖二十三年卒

成公王臣

襄公子文七年卒

昭公杵臼

成公子文十八年被弑

文公鮑

昭公弟成二

年卒

共公固

文公子成十五年卒

平公成

共公子昭十

年卒
元公佐
平公子昭二十五年卒
景公欒
元公子哀

二十六年卒其三十六年為獲麟之歲
啓
元公曾孫哀

二十六年立尋奔楚
昭公得
啓之兄哀二十六年立次

年終春秋傳其後五世百七十年而三國滅之

楚世次
據史楚始封之君曰熊繹見昭十二年傳

九世至熊儀即若敖也見僖二十八年若敖蚡

冒見文十六年蚡冒弟武王

武王熊通
杜以為蚡冒之子十九年入春秋莊四年卒

文王熊貲
武王子
堵敖熊麇
文王子莊十四年見二十

二年卒
成王頹
堵敖弟文元年被弑
穆王商臣
成王子

文十三年卒

莊王旅

穆王子宣十八年卒

共王審

莊王子

襄十三年卒

康王昭

共王子襄二十八年卒

鄭敖麋

康

王子昭元年被弑

靈王虔

本名圍共王子昭十三年被

弑
訾敖比

字子干官右尹共王子昭十三年立尋自殺

平王居

本名棄疾為蔡公共王少子昭二十六年卒

昭

王軫

本名壬平王少子哀六年卒

惠王章

昭王子其八

年為獲麟之歲二十一年終春秋傳又二十六年卒後

十一世二百九年而秦滅之

秦世次

據史秦自非子始封五傳至襄公襄公子

文公四十四年入春秋文公孫寧公寧公子出

子武公德公德公子宣公成公竝當春秋之世
以不見經傳故以穆公爲始君

穆公任好 成公弟僖十五年見文六年卒 康公瑩 穆公

子僖十五年見文十八年卒 共公稻 康公子宣四年卒

景公 共公孫桓公子昭五年卒 哀公 景公子定九年卒

惠公 哀公孫太子夷公之子哀三年卒其子悼公立悼

公十一年爲獲麟之歲悼公以魯哀十七年卒其子厲

共公立後十五世至始皇滅周有天下

吳世次 據史自泰伯至壽夢十九世

壽夢 一名乘成七年始見春秋襄十二年卒 諸樊 一名

過壽夢子襄二十五年卒餘祭一名戴吳諸樊弟

十九年被弑夷昧一名句餘餘祭弟昭十五年卒王僚

一名州于夷昧子昭二十七年被弑闔廬名光諸樊子

定十四年卒夫差闔廬子哀二十二年為越所滅

蔡世次據史自蔡仲傳九世至宣公

宣公考父戴公子二十八年入春秋桓公封人宣公子

桓十七年卒哀公獻舞即蔡季桓公弟莊十年楚人以

歸穆公肸哀公子僖十四年卒莊公甲午穆公子見定

四年傳文公申莊公子宣十七年卒景公固文公子襄

三十年被弑靈公般景公子昭十一年為楚所殺國紀

平公廬

靈公孫世子有之子昭十三年楚平王復封之

二十年卒

蔡侯朱

平公子昭二十年立二十一年出奔

楚

悼公東國

平公弟

昭公申

悼公弟哀四年被弑其子

成公朔立自成公以下三世四十二年而楚滅之

陳世次

據史自胡公十傳至文公

桓公鮑

文公子二十三年入春秋桓五年卒

陳佗一名

五父桓公弟桓五年弑太子免而自立六年蔡人殺之

厲公躍

桓公子桓十二年卒

莊公林

厲公子莊元年卒

宣公杵臼

厲公子僖十二年卒

穆公款

宣公子僖二十

八年卒

共公朔

穆公子文十三年卒

靈公平國

共公子

宣十年被弑
成公午
靈公子襄四年卒
哀公溺
成公子

昭八年卒
陳亂楚滅陳國絕
惠公吳
哀公孫太子偃師

之子昭十三年楚平王復封之定四年卒
懷公桺
惠公

子定八年卒
其子湣公越立哀十七年楚滅之

曹世次
據史自叔振鐸傳十世至桓公

桓公終生
繆公子三十五年入春秋桓十年卒
莊公射

姑
桓公世子莊二十三年卒
僖公赤
莊公子莊二十四

年見
昭公班
僖公子僖七年卒
共公襄
昭公子文九年

卒
文公壽
共公子宣十四年卒
宣公廬
文公子成十三

年卒
成公負芻
宣公庶子襄十八年卒
武公滕
成公子

左傳通釋

卷二

昭十四年卒

平公須

武公子昭十八年卒

悼公午

平公

子昭二十七年卒

靖公露

蓋悼公弟定八年卒按史靖

公上尙有聲公野隱公通按曹伯卒葬皆見春秋惟僖

公赤未書而莊二十四年亦見經不應昭定時忽遺二

君且聲公見弑不應不書疏謂靖公卽繼悼公其說爲

長其時亦相接也

伯陽

靖公子哀八年爲宋所滅

杞世次

據史自東樓公四傳至武公桓二年經書

杞侯當是武公武公三傳至德公莊二十七年

經書杞伯當是德公世本作惠公惠惠二字相

近不知孰是以名諡未見經傳故始于成公

成公 僖二十三年見經世本云惠公生成公及桓公則

成公桓公兄也 **桓公姑容** 成公弟僖二十七年見襄六

年經書卒葬按桓公以僖二十三年繼成公立距襄公

六年凡享國七十年而史記及世本並云十七年蓋誤

顛倒其字也 **孝公句** 史云桓公子襄二十三卒 **文公益**

姑 史云孝公弟襄二十九年見昭六年卒 **平公郁釐** 疏

云文公子昭二十四年卒 **悼公成** 平公子定四年卒于

會 **僖公過** 史云悼公子哀八年卒其子閔公維立閔公

以下三世二十三年而楚滅之

滕世次 譜云自叔繡至宣公十七世 隱七年經

書滕侯以名諡未見故始于宣公

宣公嬰齊

僖十九年始見經

昭公元

文十二年見宣九

年卒

文公壽

成十六年見

成公原

襄六年見昭三年卒

杜世族譜云文公子

悼公寧

昭二十八年卒

頃公結

哀

四年卒

隱公廋母

哀十一年卒隱公以下春秋後六世

而齊滅之

薛世次

隱十一年經書薛侯莊三十一年經書薛

伯以名諡未見故始于獻公

獻公穀

昭三十一年卒

襄公定

定十二年卒

比定十三

年被弑

惠公夷

哀十年卒

許世次

譜云自文叔至莊公十一世

莊公

隱十一年鄭入許莊公奔衛

穆公新臣

即許叔莊

公弟隱十一年居許東偏桓十五年復國僖四年卒僖

公業

穆公子僖六年見文五年卒

昭公錫我

僖公子宣

十七年卒

靈公甯

昭公子成二年見襄二十六年卒悼

公買

靈公子昭十九年被弑

許男斯

悼公子定六年鄭

執之

元公成

疏云悼公孫哀十三年卒其子結立戰國

初楚滅之

邾世次

譜云六終第五子曰安自安至儀父十二

世

邾子克

即儀父隱元年見莊十六年卒

邾子瑣

儀父子

莊二十八年卒

文公遽蔭

瑣子僖十九年見文十三年

卒

定公糴且

文公子文十四年見成十七年卒

宣公輕

定公子成十八年見襄十七年卒

悼公華

宣公子襄十

九年見昭元年卒

莊公穿

悼公子昭十一年見定三年

卒

隱公益

莊公子定十五年見哀七年吳執之立太子

革二十二年復入二十三年越執之以歸

桓公革

隱公

子哀八年見二十二年奔越

公子何

桓公弟哀二十四

年立何以下春秋後八世而楚滅之

莒世次

據譜自茲與至茲不公十一世

一年經

書莒子以號諡未見故始于茲平公

茲平公期 僖二十六年見 紀公庶其 文十八年爲其子

僕所弑 厲公季佗 庶其子文十八年見 渠邱公朱 成八

年見十四年卒 犁比公密州 一名買朱鉏襄十六年見

三十一年爲其子展輿所弑 展輿 密州子昭元年奔吳

著邱公去疾 展輿兄襄三十一年見昭十四年卒 其公

庚與 去疾弟昭十四年見 郊公 去疾子昭十四年立尋

奔齊二十三年復入 莒子狂 哀十四年卒譜云共公以

下微弱四世楚滅之

王懷祖先生曰按哀十四年春秋本作莒子狂釋文

云狂其廷反

廷卽人實廷女之廷

故廣韻四十一漾

有狂字俗本其廷譌作其廷後人不知廷爲廷之譌
遂改經文狂字作狂以牽就釋文之誤字不知古字
書無狂字也唐石經及宋本皆作狂今據改

培紫

附

識

越王句踐

據史夏少康之庶子封于會稽後二十餘世

至于允常句踐允常子也越見春秋止一君其後七世
爲楚所破

號公忌父

爲周卿士隱五年見

號公林父一稱號仲

桓

五年見

號公醜一稱號叔

莊二十年見僖五年國滅以

上三君世系未詳

鄧侯吾離 桓七年朝魯 鄧邾侯 莊六年見

紀侯 紀季 紀侯弟莊三年見

邾來 莊五年朝魯 小邾穆公 襄七年朝魯

唐惠侯 宣十二年見 唐成公 註惠侯後定三年見

沈子揖 成八年見 沈子逞 昭二十三年見 沈子嘉 定四年見

年見

胡子髡 昭二十三年見 胡子豹 定十四年見

長狄僑如 長狄緣斯 長狄焚如 長狄榮如 長

狄簡如 並文十一年見

吾離 姜戎祖 戎子駒支 立襄十四年見

戎蠻子嘉 昭十六年見 戎蠻子赤 哀四年見

芮伯萬 桓三年見 穀伯綏 桓七年來朝 燕仲父 南燕伯

莊二十年見 蕭叔 莊二十三年朝公 介葛盧 僖二十九

年來朝 舒子平 文十二年為楚所執 萊共公浮柔 襄六

年見 北燕伯款 即燕簡公昭二年見 徐子章禹 昭三十

年見 頓子牂 定十四年見

潞子嬰兒 宣十五年晉滅之 無終子嘉父 襄四年見 肥

子絲皋 昭十二年見 鼓子馘鞮 昭十五年見 夷虎 哀四

年見

號叔 東號君隱元年見
檀伯達 成十一年見